

Den entrevista cu Arkitekto Yvonne Webb-Kock

Huez a duna Fondo di Monumento razon y Museo Numismatico mester a abandona e edificio

ORANJESTAD (AAN) — Arkitekto señora Yvonne Webb-Kock a worde acerca pa nos redaccion, relaciona cu e problema cu a surgi cu Fundacion

Museo Numismatico, cu mester a sali for di e localidad, banda di entrada di e terminal di Arubus na Playa, debi na retraso den e pagonan di huur.

Ark. Webb-Kock a splica cu e propiedad unda e museo tabata ubica, ta propiedad di Stichting Fondo di Monumento, unda cu Fundacion Museo Numismatico tabata e

usuario.

Pero lamentablemente, den e siete añanan cu nan a ocupa e edificio, nan no a cumpli cu pagamento di e huur, y e ora ey a surgi un situacion unda cu tur dos instancia a dicidi di hiba otro Corte, y den e caso aki Huez a duna Fondo di Monumento razon, y e usuario mester a abandona e propiedad.

Na fin di Juli Museo Numismatico a sali for di e lugar, cual ta bashi actualmente. Ark. Webb-Kock a anuncia cu diaranzon Oficina di Monumento a



ricibi un carta pa prepara un mantenimiento grandi pa e cas unda cu Museo Numismatico a funciona.

Nan tin tur cos cla, un detaye chikito so falta, pa bay na un proceso di mantencion hopi grandi den dicho edificio, segun sra. Yvonne Webb-Kock a duna di conoce.

Na e momentonan aki Oficina di Monumento ta bezig cu un destaho publico, pa e edificio keda disponible atrobe pa wordo vernieuw pa

Fondo di Monumento.

Sra. Webb-Kock a señala cu nan ta bay anuncia esaki den corant, y nan lo kier hacie di tal manera cu esnan cu ta interesa bisa cuanto nan ta dispuesto pa paga pa huur e lugar aki.

El a comenta tambe cu Fundacion Fondo di Monumento ta cay bao di gobierno y e ta paga e huur mensual na maneho di gobierno. Originalmente e huur cu nan kier a cobra ta riba 30 florin ma meter cuadra, pero Fundacion

Museo Numismatico nunca a paga nada, sra. Webb-Kock a reitera.

Pero aworaki e lo no haya un prijs fiho, door cu nan ta bay inverti hopi miyon den mantenimiento, e prijs lo keda gewoon esun comercial. No obstante, ta keda na Fondo di Monumento pa dicidi cual prijs ta stipula pa e edificio. Biniendo back riba e situacion di Fundacion Museo Numismatico, Ark. Webb-Kock a subraya cu esey eigenlijk no ta asunto di Oficina di Monumento, pero den termino general, el a splica cu ora un fundacion ta pidi subsidio na gobierno, nan ta haya un parti y nan mester cumpli cu nan deber cu e placa aki, y responsabiliza cada año unda e subsidio a wordo gasta.